


ISAGA, NGÕNGESYÁGA UNE

 Ena, umma, pala páli bo u Becky ápapígwe. Kango polelo une—une ndinkwinogona, “Ena, ugwe umeneye. . .” Une—une itolo ngulya akapake ka litapa, kakuligwa nu kambwagayila kamokene. Ena, une itolo. . . Ábene bambele une aka tikiti kangu, kangi ngubikapo i saini pa kene, umwe muketile, kangi une nahombile pa kene, ukugomokesya, kangi une ngusanukisya ikyene mula, ’nongwa yakuti une náli na ubumbakasya ubwakúlila.

² Kangi ili siku limo akabalilo kako uswe twáli nu—nu lukomano lwa balindilili. “Mwe,” abene balinkuyoba, “yo nswigisyanki uyu yuyo agomokisye ikindu kimo bo iki?” Muketile? U—u myana unkulumba, umwe mumenye, “Utumbwagaya kalongo ukufwana ifyakulya fyakulubunju?” Polelo ikyo kikuboneka naloliloli ntengo-gwapasi pa binitu abangi, umwe mumenye. Bamo abene básanusyaga i dola limo, muketile; ama dola mabili ukuti balye. Kangi une nasanusyaga mula itolo katikati iki ikyene kyáli.

³ Ena, une ndinkuti, “Ena, lilino, kukayapo ukulondigwa ukuti une nsanusyega mula. . . Ngimba une ngubombaga fiki linga une itolo ngulya, imb wagaya kalongo?”

⁴ U Tata. Fields, uyu yo nkulumba ntuli, umwene alinkuti, “Billy, ugwe sanusyaga i dola limo, mulimosa, ukuya kinandipo.” Alinkuti, “Ikyo kyo iki aligwesa ikubomba.” Alinkuti, “Ugwe kufimbilisigwa ukukyunga ikyo palikimo.”

⁵ “Ena,” une ndinkuti, “Une—une ndikulyamo siku loli kene kakapake ka litapa, kangi ako ko aka une ngwihombesya.”

Alinkuti, “O, komma, siku ukubomba ikyo.”

⁶ Ena, polelo une ndinkwinogona, “Ngimba une ngubomba fiki ni kyene?” Polelo une nahombaga ama senti malongo mahano ku kyakulya kya kulubunju. Polelo une ngwega ama senti malongo mana ga ikyene, linga une ngulonda ukutaga ihela pa kalikosa, ukumpapo umwanike yumo mu lukindi; abanike bamo, umwe mumenye, aba babonekaga ukuya abene bikulondigwa akanini akaiyolo akankati, bope. Ena, une ninogonaga ukuti lumo une mbagile ukuya. . . Popapo, báli ba kumbombo yangu, bene, bikuyoba kwa une bo ulo. Uyo áli nnyambala ukufuma ku mbombo.

Polelo, une ninogonaga, “Lumo une—une mbombile ikindukimo ikisobi.”

⁷ Polelo apa pakaya patali’mma, nu nnyambala undindilila. . . Lilino abene bikulindilila na ma helikopta, umwe mumenye. Polelo umwene álisile ukuyata kangi umwene álimile. Umwene

alinkuti, “Yoba, Nkundwe Branham,” alinkuti, “umpiki ugu gukukula.”

Une ndinkuti, “Ena.” Une ndinkuti, “Abanike bikusala pási pa mpiki ugwene panja pala.”

Umwene alinkuti, “Ngimba uswe tubagile ukugwimika ugwene?”

Une ndinkuti, “Ena, loli komma ukugutumulila ugwene pási. Uketile?”

Umwene alinkuti, “Ena, uswe tukulonda ukugutumula ugwenw. Uswe tukukuhombaga ugwe panongwa ya ugwene.”

⁸ Une ndinkuti, “Umma. Umma. Ndikulonda ukuti ugwe ugutumule ugwene.” Ena, une mmenye indagilo sya bwabukebwa-njila, nine, ugwe umenye, ’nongwa yakuti une na pa lwene ifyinja fihano na fibili. Une ndinkuti, “Umma.” Une ndinkuti, “Ndikulonda ikyene kitumuligwe, loli ugwe ubagile ukutumulila pamwanya.” Une ndinkuti, “Une—une ngumilisa ukutumulila pamwanya, loli,” une ndinkuyoba, “ugwe ubagile. Ugwe ubagile ukukitumulila pamwanya linga ugwe kulonda.” Une ndinkuti, “Une, Nkundwe Wood na une, tukuya pa kukitumulila ikyene pamwanya. Uswe tukutumilila fyosa ifingi ifi ukugolosa apa.” Kangi une ndinkuti, “Loli uswe tukumilisa ukukyunga ikyo pala panongwa ya banike, Joe na bene, umwe mumenye, abinitu abanini bikusala pási pa mpiki.”

⁹ Une násokilepo bu bwendo. Akabalilo kako une ngwisa ukugomokela, umwene atumuligwe pasi nukusosigwapo. O, kwābagile ukuya ku sitaka kuki pa kampani, umwe muketile, panongwa ya kutumula umpiki gula, umwe muketile. Kangi polelo une ndinkwinogona, “Lilino,” une ndinkuti, “Ntwa, une ndikuya napandi ukuyobapo ikyo’mma.” Muketile? “Kali linga kalipo kalikosa aka une—aka une, pa ikyo, utubalilo tumo ukusanusyila mula, kwene kukulya ikyakúlila imb wagaya, kangi ukufimbilisigwa ukusanusyilamo mula ‘amasenti malongo mahano.” Muketile? Une ndinkuti, “Linga kilipo ikindukimo pa ijyo, unko ikyo kitendeke ikyene, muketile, ikyo—ikyone—ikyone une nkibikile ikyene mula, umwe muketile. Ukuti une . . .” Kangi une ndekile ukugogwa injosi isyakufwana ukuya mu Public Service Company ukufuma pala, muketile, ’nongwa ikyene kyabagile ukuya kindukimo kunyuma kula.

Uswe tukufimbilisigwa ukuketesya iki uswe tukubomba. Uswe tukufimbilisigwa ukwagana nakyo ikyene ilisiku limo.

¹⁰ Abanike, bikwisa kuno. U mama gwako áli kuno, uyungi umwisyugu, Trudy. Une ngusakikisa ugwe ukábobile, ugwe ukámenye. Iki kyo luko lumo kyakuswigisa, une mbagile ukupilikisa. Kangi ugwe kugulila ukwambilila umfwalo gwa bumanyi. Kangi uswe twali nu bwendo ubu panja apa palikimo. Une ngubukaga mu lukomano lilino, nakalinga ukufuma pa lukomano ulu. Kangi uswe tukubuka ku nyumba.

¹¹ Une ninogonaga ukuti ulwene lukuyaga lusako lununu ukuyoba kwa umwe mwesa, kangi polelo pópe ninogwine ikyene kikuyaga kinunu ukuyoba ku bana itolo panandi bo mukali ukufwala ubumanyi. Ukubala ilinandi ukufuma mu li Bangeli, kangi itolo ukuyoba kwa umwe ukufuma ku ndumbula yangu, ukufwana ama miniti malongo. Une ngutelemukaga ukufuma pa njila. Muketile?

¹² Bo ngali ukuyoba ku banike, une ngulonda ukuyoba ku bakusi itolo pa miniti yimoyene, pópe, ku mwesa ba umwe. Ikye kyo lilino, lumo, bwendo nwakukatasya, ubwene bwayaga. Loli ubwendelemo ubu uswe tumanyilemo ukufuma kwa Kyala, une ngabagila ukwega ama dola maelifu kalongo pa iki une mmanyile ukufuma kwa Ntwa ukufuma pápa une njege apa. Une nubwanaloli ngwinogona une nisile mu kupilikila kwa mosa ku bulagili bwa Mwenemaka, kangi une—une ngusubila une mbagile ukuyamo siku mu njila yilayila. Kangi kilipo i . . .

¹³ Akabalilo kako une nisile, ikindu kimokyene, kyáli mu mboniboni, ukuti une nálimile pamwanya pa Tucson ku mwanya kuno akabalilo kako u—u—u kulunduma kulinkusóka. Ena, Nkundwe Fred áli pala akabalilo kako ukwene kusókege. Kangi abene baljegile iki pícha kila lilino, umwe mumenye, mmwanya. Kangi une ndinkusita kwinogona fingi ifya ikyene, ngáketesisyemo siku ikyene. Polelo ikyene kilinkwanda ukumbindikisya une mu njila yimo, ili siku limo. Kangi Nkundwe Norman, ugwise gwa Norma apa, álimbulile une, átile, “Ngimba ugwe uketesisye iki?”

¹⁴ Kangi itolo bo une ngétile, palapala pala báli bala a Bandumi itolo ukuya baboneke swe mumo Abene babagile ukuya, bitugesye mulamula mula mi kipicha kila. Muketile? Une ndinkukéta ukuti ngéte ukuti káli kabalilo kaki, kangi akene káli kabalilo, kalakala, ukufwana ili siku limo pamo mabili panyuma, pamo ili siku limo pamo mabili pankyeni ukufuma pápo une náli pamwanya pala. Une nakétile kuko ikyene kyáli. “Kululu—busokel’ilisuba kwa Flagstaff, pamo Prescott, uyu ali pási pa Flagstaff.” Ena, uko ko itolo kuko uswe twáliko, muketile, itolo katikati.

¹⁵ “Ama mailosi malongo mabili na mahano na limolyene mmwanya.” Fiki, umúyi gukabagila ukufyukila ukukinda—ukukinda ama mailosi mana, mana mmwanya, pamo mahano, ubutíme, uluko lulilosa ulwa kifunienie pamo kalikosa, umwe muketile. Indege sikupululuka pa maelifu kalongo na mahano na mana. Uko ko kuya mmwanya pamwanya pa mabingu, umwe muketile. Kangi maelifu kalongo na mahano na mana yo yikufwana ma mailosi mana mmwanya. Iki kyo ma mailosi malongo mabili na mahano na limo mmwanya, kangi a ma mailosi malongo matatu mbupapate bwa ikyene, kangi mbubumbe bwa piramidi, linga ugwe uketilemo iki picha.

¹⁶ Kangi ku lubafu ulwa kiboko-ikililo, mumo une nababulife umwe, une ngetesisye, ikubonekela fiyo, u Gwandumi yula. Pala Umwene alipo, ikipambaga panja, amapiko ku nyuma, ikwisa palapala nkati, itolo katikati injila ikyene kyali. Une ngetesisye ikyene akabalilo kako Abene pakwanda. . . Pala fisile ukuyapo ifindu fingi fiyo.

¹⁷ Itolo nkati ukwisa pa nsebwe ili siku ilingi, kyalipo ikindu kimo kyabonike iki kyayobile kwa une ukufwana ni kindu iki une—une ngufimbilisigwa ukubomba. Kangi ikyene kyo—ikyene kyo kikaya ndumi yangu'mma.

¹⁸ Pa kabalilo kamo, Leo Mercier alinkuti, alinkuti, "Nkundwe Branham, akabalilo kakwisaga ukufuma pa iki," alinkuti, ukufwana ifyinja fihano pamo fihano na kimo ifi fikindilepo, lumo fihano na fibili, alinkuti, "u Ntwa isakusanusyaga ubutumigwe bwako, Nkundwe Branham." Kangi alinkuti, "Akabalilo kako Umwene ikubomba, ugwe lumo kwisa itolo ukubambika ifipatala, kangi ukuyoba abene ukusokamo mu—mu mfitala ni findu." Ikyene kikapilikigwa kitalusye'mma, palema nalinga une ngwitika Nkundwe Leo ayelaga ukuya gwabwanaloli-ndumbula ukufwana ni kyene.

¹⁹ Loli ikyene kikapilikigwa itolo kitalusye, panongwa yakuti, muketile, u Ntwa gwitu Kristi akabombilemo ikyo siku. Muketile? Kangi Umwene abukile mfipatala. Alipo yumoywene mkipatala kila. Ngimba umwe mukukumbukila kuko ukwene kwali mu li Bangeli? I kitubwi kya Bethesda. Ifilundilo ifikulumba ifya bandu balemale fyalambalele pala, basitakwenda, balemale, bafwamaso, bonywa, bikugulila u Gwandumi. Lilino, kila kyali kipatala kyamwambepo kuko abandu bagulilaga pa bubumbulusy lwa Fyakyala. Kangi apa yu Mbumbulusy gwa Fyakyala Mwene alisile nu kumbumbulusy yumoywene nu kusokapo. Polelo ugwe utikugulila u nnyambala gwakufwa, pamo ubutumigwe ukwisa panja, fyabagile ukuya fikulumbapo mulimosa ukukinda mumo ikyo kyayilile. Muketile? Une ngabagile ukwitikisyana na ikyene.

²⁰ Loli bo une nalyandile ukusyumbutuka, u Mbepo Mwikemo alinkwisa pa une. Une nalindalusisye Leo ukuti ambepo ikyakusimbila. Une ndikukaga aka kalatasi, kangi une ndinkusimba ikyene. Ikyene kili mu gileta ya ligali lyake umwisyugu, linga ugwe usumwikemo siku kuko ikyene kili. Ilyene lyo li gileta ilikulu ilya aluminiamu kuko une nali ni fyakufwala fwakubombela imbombo yakupangania ifindu. Itolo bo ugwe kwingila nkifigo, yilipo i mesa pa lubafu lwa kiboko-kililo, palapalapa pankyeni pa li gileta. Ikyene kilambalele pasi pala. Une nakilambalike pamwanya pala. Kyatile, "I lisiku limo ugwe ubagile ukukwaba iki panja. 'Kyala atisakusanusyamo siku u butumigwe, loli Umwene isakusanusyaga u nnyambala nu butumigwe.'" Ikyo kyo iki kikubombigwaga.

²¹ Muketile, une—une mmenye iki une mbagisenie ukubomba, loli une—une—une ngabagila, une ngabagila ukubomba ikyene mbwitugale ubu une ndimo lilino. Panongwa yakuti, une ngufimbilisigwa uku. . . Ikindukimo kikufimbilisigwa ukubombigwa na une, iki kikwegaga Kyala ukubomba ikyene.

²² Uswe tukulonda ukugomokela ku káya. Abanike bisyukile kukaya, bosa ba abene bikulonda ukugomokela. Polelo une ngwinogona isya kubegéla abene ukugomokela, u Ntwa iganege, lumo ukufuma ku bubombelo pa Kyobeluka, kangi polelo ukugomokela. Ukufuma kula, une ngamanya. Loli une mmenye linga nakalinga itolo ikindukimo kila kikuboneka nkati myangu, ukundendeka une ukwipilika ku bandu, ikyakukindana na iki une mmenye lilino. Une nákanaga a—a bandu, muketile, kangi une—une ngálonidaga'mma ukuya na kakubomba kangi'mma na bene. Umwe mumenye isi une ngasanusya, iki une ngukólela “bāpúsi, bāpúsi bakikulu,” abene báli nafyo ifindu ifi abene bábombile. Une nálumbilile nu bwanaloli-ndumbula bosa, kangi Kyala ásisimikisye ikyene mu njila yiliyosa. “Kangi linga abene bakálonidaga'mma ukwitika Ikyene, fiki, baleka abene polelo.”

²³ Une nábukaga ku mwanya kula, ukwakuya palikimo na Bud ukwisa kwa kabalilo ka kugwa mani aka, ukwanda ukufwala i myenda ku mwanya kula. Ukugúlila mmatengele, ukuleka inywili ni ndefu syangu ukukula panja. Kangi linga u Ntwa álonidaga une ukubuka kulikosa, Umwene ikutumaga kwa une i lisyu, kangi une nábagile ukusuluka nu kwakubomba ikyene.

²⁴ Kangi pa nsebwe, ngwisa muno i lisiku limo, Umwene álinyimike une. Kangi une ndinkuketa pápa i. . . iki une nisaga ukwisako. Une ndi—une ndi pa nsebwe gwangu ku kindukimo ikingi lilino. Kangi une ndinkwinogona, akabalilo kako une náfikile ku káya, une ndinkutendeka iki uswe tukukólela ubuyobi bwa ndumbula-ku-ndumbula, lumo ukubika ikyene pa tepo, kangi polelo kangi kokuti abandu babagile ukumanya nongwanki ukusanuka kwanakalinganakalinga.

²⁵ Lilino, umwe banike, unko uswe itolo. . . Unko uswe tuye nalyo i lisyu linini lya lwiputo.

²⁶ Gwe Ntwa Yeso, uswe tukupalisya panongwa ya kabalilo aka, ukumanya ukuti uswe twibungenie apa, abanike na bakangale, na ba pakati-kati. Kangi uswe twibungenie, ulubafu ulu ulwa Syepwa, kamokene kangi ukuyoba isya Ugwe kangi isya findu ifi fikufwana nu Bumi bwabwilanabwila.

²⁷ Kangi aba abanke bitugesye nkati muno ikilo iki, bamo mwa abene bikufwala ubumanyi, bamo batalile bafwele ubumanyi. Loli une ngusyagania, Ntwa, ikindukimo iki kyábonike itolo isala innandi bo kukáli nu kwisa ukusenyenda, pamo ukulunduma ukukulumba, kyabonike nkyamba mmwanya mula, kululu kwa Tucson, akabalilo kako Abandumi ba Ntwa basulwike pási. Une ngukumbukila iki kyayobigwe, kangu—

kangi fiyofiyo isya bandu batubwa. Une ngukusuma Ugwe, Ntwa, ukututula uswe ukupilikisya. Kangi ndiyaga gwakubagila une ukuyoba ikindukimo ku bandu banini aba, ikilo iki, iki kubagile ukubatula abene mu njila. Kabuno, Ntwa, uswe twesa tukulondigwa ubutuli bula pa kabalilo aka.

²⁸ Tusayaga uswe palikimo. Swaga imbibi syitu. Kangi linga kalikosa aka uswe tubombile ukufuma pápo uswe tuli panja apa, iki kikukalalisyé Ugwe, uswe tukusuma Ugwe ukutuhobokela uswe panongwa ya ikyene. Kabuno uswe tukusyagania, umwisyugu, ukuti uswe tukaya nalumo—nalumo ulusisimikisyo lwa kilabo. Uswe tukamanye iki kilabo ikutwalaga. Uswe tubagisenie ukwitendekesya umwisyugu ukwagana na kilabo. Kangi, Tata Kyala, yilipo injila yimoyene ntiga iyi uswe tumenye ukubombelamo iki, iyo yo, ukwitendekesya ukwagana na Ugwe, kabuno panandi na panandi uswe tukusyagania ukuti uswe tukubombaga ikyene. Kangi uswe tukufimbilisigwa ukwagana ni ikyene i lisiku limo, pamo mu lutengano, ukuya mwinake pamo mwana, pamo ukuya ndugu. Kiyege kutali ikyene, Ntwa, ukuti uswe tubagile ukuya kalikosa akangi loli ukuya Bako Bene abana abaganigwa. Tupaga ifindu ifi uswe tukusuma, mu Ngamu ya Yeso. Amení.

²⁹ Umwisyugu, akabalilo kosa aka une neselelaga, ndubunju fiyo naloliloli, une ndikubwaga u buyo mu li Bangeli, une ndinkwinogona kikuyaga kindu kinunu ukubala pa kabalilo aka. Kangi ikyene kyo . . . lumo pakaya fiyo kafwane kanunukanunu, loli une ninogwíne itolo panongwa . . . itolo a— itolo a maminiti manandi, ukuyoba. Une ngulonda ukubala iki ukufuma pa ntu gwa 18 ugwa Mwikemo Luka. Bosa abasimbi ba Inongwainunu bana basimbile isya ikyene. Untu gwa 18 kangi amanandi ga 18.

Kangi undagili yumo alinkundalusya umwene, ikuti, Fundi Nnunu, ngimba ngubombaga fiki ukwingila ikilingo u bumi bwa syepwa?

Kangi Yeso alinkuyoba ku mwene, Fiki kungólela ugwe une nnunu? nayumo yo nnunu, asyelepo yumoywene, uyo yo, Kyala.

Ugwe umenye ingomelesyo, Komma ukulógwa ubulógwe, Komma ukugóga, Komma ukwíba, Komma ukwímila ubuketi ubusyobi, Yindikaga u tata na . . . mama.

Kangi . . . alinkuti, Fyosa ifi une mbombile, kangi mfikyungile ifyene ukufuma ku bwánike mpaka lino.

Lilino akabalilo kako Yeso ápilike ifindu ifi, umwene alinkuyoba kwa mwene, Pópe usyelepo ugwe pa kindu kimo: kúlisyé fyosa . . . ugwe ulinafyo, kangi kayabanie ku balondo, . . . ugwe gwise kuya nafyo ifyuma kumwanya . . . isaga, ngóngesyaga une.

³⁰ Une ngwinogona, i lisyu, *Isaga, Ngóngesyaga Une*, ulu lo lufundo ulununu ukukinda losa une nábagile ukupa linga une náyobaga ku banike maelifu kalongo, pamo linga une nguyoba itolo iki une nguyoba. Ulwene lulagilo, kang'i ikindu ikikulumba ukukinda fyosa iki une ngwinogona iki kwapegiwemo siku kwa aligwesa, kang'i fiyofiyo a mundu untubwa, “Ngóngesya Une.”

³¹ Ugwe kuya pakukongésya u mundu yumo. Lilino, ugwe itolo... Ugwe ubagile ukukumbukila ikyo. Ugwe kuya pakukongésya u mundu yumo. Kang'i injila iyi ugwe kukongésya u mundu uyu, uyege nsisimikisiyi ukuti, yo ywani u mundu uyu kukongésya. Muketile? Uswe. . .

³² Pauli akabalilo kamo átile, “Yaga bakongésyi ba une mumo une yone gwa Kristi.” Mmasyu agangi, “Itolo mumo une ngukongesya Kristi, umwe ngongésya une.”

³³ Kang'i lilino, pa kabalilo akákusanuka aka, u bukusi bwa bumi ubu—ubu apa twesa tukwisapo. Kang'i utubalilo twingi umwe mumbilike une ngulalata “pūsi, pūsi-nkikulu,” ni findu. Iyene, iyene yo ngulilo. Iyene yo ngulilo iyi uswe tulimo bumi. Abene naloliloli bakaya bandu bala'mma.

³⁴ Abandu bala bo bandu bo uswe tuli. Abanike bala panja pala ma gali amabope-fiyo, bikubopa ukubuka-nu-kwisa mu ngindi, nu kwendendeka mu njila iyi abene bali, ukukwesa ingambo nu kunwa ubwalwa, kang'i abalindwana bafwele mbulogwe, ni findu, bala bo balindwana na balumiana bo uswe tuli. Muketile? Abene bo bandu. Abene bikugana. Abene bikulya. Abene bikunwa. Abene bikugona utulo. Abene bikutuya. Abene babagisenie ukufwa. Abene bo bandu itolo bo uswe tuli. Kang'i pópe abene bisibile uku. . .

³⁵ Abene bakamandígwe ni mbepo ínyali. Abene batikumanya ikyene. Komma nongwa ya—ya bandu aba, loli nongwa, utubalilo twingi, abalongosi bamo aba abene bákongesyaga balongólíle abene mu nsebwe unsobi.

³⁶ Lilino, umwe balindwana na balumiana mumenye kanunupu ukukinda ikyo. Umwe mumenye. Umwe mumanyisigwe kanunupo ukukinda ikyo. Umwe muli nabo abapapi banunupo, ukumanyisigwa ukwakupilikigwa kanunupo ukukinda ukubomba ikindu bo ikyo. Umwe mumenye kanunupo.

³⁷ Loli abene bakamanya, muketile, panongwa yakuti ifipanga ifi abene bikubukako fyo fipanga fyamwisyugu, ifyabwigufu. Kang'i abene—abene itolo bikwitugasya panongwa ya lisiku, ukuya mfumuke ukukinda. Kang'i, o, mwe! Fiki fyo. . . Inyiho sisile ukuya kayilo ku bene. Muketile? Polelo abene, iki. . . Mumo une náyobile akabalilo kamo, mu bukino bumo ubu une náketile pási apa, pakaya patali'mma, iya Sodomu na Gomora, ukuti unkikulu unkamandigwe ni mbepo-nyali áyobile kwa—kwa Loti, “Iki ugwe kukikólela kyabunyanyasi, une ngukikólela kayílo.”

³⁸ Yeso átile, “Mumo ukwene kwayilile mmasiku ga Noa, momumo ukwene kwisakuyilaga pa kwisa kwa Mwanundumiana gwa mundu.” Polelo uswe tugomokíle ku buyo bula kangi.

³⁹ Unko uswe tunkete u mwinitu uyu, pa ma miniti manandi, uyu uswe tubalile isya umwene. Kisita kwilamwa ukuti u mwanike uyu ápapigwe mu nyumba inunu, mumo umwe banike muli. Umwene áswiligwe na bapapi banunu. Panongwa yakuti, ikylene kisisimikisye ikylene, akabalilo kako Yeso átwele ku mwene ingomelesyo sya Kyala. Umwene átile, “Une ngyungile ifi ukufuma pápo une náli mwanike.” Ikyene kyánangisye ukuti umwene áli—umwene áli—umwene áswiligwe kanunu. Umwene akáli itolo nkambulisigwe. Kangi umwe mumenye, umwene—umwene áswiligwe ukumanya iki kyo kitalusye, abanike bo umwe muli. Lumo ukufyuka pási pa mama na tata abatila-Kyala, uku—uku—uku mmanyisya umwene kanunu, akabalilo kako umwene áli mwanike. Ena, ikyo kyo kinunu.

⁴⁰ Lumo, ukuya mwana mbugale, unna áli kinyonywo ikypamwanya ukya umwene ukuya nnyambala unkulumba i lisiku limo. U gwise áli ni gwahela, isi syábagile ukummanyisye umwene i sukulu kangi—kangi ukumpa umwene ubumanyili ubu umwene ábagile...umwene ábagile ukusóka panja nu bumanyili bununu kangi ukuya mbagili ukuya munduyumo nkisu kyapasi. Kangi nu bwanaloli-ndumbula bwa mama gwake nu gwise, ukummanyisya u mwanike uyu, kangi lumo ukwisa ku kabalilo ka bufwale bwake ubwa sukulu mumo umwe mukubomba, muketile, akabalilo kako umwene ákindile ukukilania mu sukulu kangi áli nu mfwalo gwake. Kisita kwilamwa ukuti umwene lumo áli yo lwitufyo nu buhobofu bwa—bwa bumi bwa mama na tata yula. Kisita kwilamwa, mmasiku gala, umwene áli ni falasi inunu, mumo umwe muli nago amagali, kangi u tata nu mama unnunu bo mumo umwe mwesa muli nabo, aba bikuketésya ukuti, ugwe uli ni myenda iminunu, kangi—kangi i ligali, kangi mubagile...kangi itolo ukwikyela u bumi, itolo ikindukimo mumo umwe muli nakyo umwisyugu.

⁴¹ Kangi u tata nu mama na iki...bikwiputa kingikingi ukuti—ukuti u mwanundumiana gwabo atisakusóka ukuya itolo nnyambala bo aligwesa'mma, ukuti umwene isakuyaga nnyambala nkindane. Abapapi balibosa bikulonda ikyo. Ngimba umwe mwalimpilike Yeso ikuyobapo isya ngómelesyo, “Yindika u guso nu nyoko,” polelo nukwima? Muketile? Kangi ikyo kyo kinyonywo kya mbápi aligwesa, ku bununu ubukinde bwa banike bábo, ukuti abene babagile, ukubamanyisya abene, ukubapa abene ifindu lumo ifi abene bakābagile ukuya nafyo. Iyo yo njila une ngwipilikila ukufwana isya bana bangu.

⁴² Une ngwinogona, utubalilo tumo, mu kubuka ku sukulu, lilino; une ngwinogona, ukutuma Becky na Sarah na Yoséfu mu

sukulu sya pamwanya isi ni findu, kuko ifi fyosa fikukindilila fili kula? Une ngwinogona ukuti une ngubegaga abene nu kugomokela nkyamba, kangi—kangi ukubaswila abene kula na ba . . . bo ba Mwenye bikwitugala.

⁴³ Loli apa po iki ikyene kili. Iki kili mwa mwana kisakusókela panja. Kisita kupasya kuko ukwene ko kugu, umwene ali nakyo, ikyene kikuyaga pakusóka panja. Linga ubwene bo bubibi nkati mula, ubwene bwisakusókaga panja mu lubingilo lwa ba Mwenye. Linga ubwene bo bununu nkati mula, ubwene bwisakólega panja mu lubingilo lulilosa. Muketile? Ikyene kyo iki kili mwa mwanike, ubutendekigwa bwa mwanike, iki kili nkati mwa ugwe. Kangi iki ugwe uli lilino kyo iki ugwe lumo kuyaga u bumi bwako ubu busyele. Ugwe uli pa buyo ubwakusanuka.

⁴⁴ Ngimba mumenye fiki? Ubupinduke ukubuka kwa Yeso Kristi malongo-lwele-na-bahano-na-batatu mwa bamia bukubombigwa bo u mundu akafika pa finyinja malongo mabili na kimokyene mbukusi. Ikyene kikunangisya ikyene. Ubabubale bukunangisya ikyene. Malongo-lwele-na-bahano-na-batatu mwa bamia bábi bikwisa kwa Kristi, bikwisa bo bakafwana ifinyinja malongo-mabili-na-kimokyene. Ugwe, linga ukindle ubukusi bula, ugwe kwisa kuya fiyofiyu mbumbigwe pamo ubikígwe mu njila syako. O, ikyene kibagisenie, naloliloli. Abene bikwisa, malongo-mahano-na-mabili, malongo-mahano-matatu, finyinja fyabukusi, loli ikyene kusábwiki fiyo. Muketile?

⁴⁵ Ugwe kwibumba gwimwene akabalilo kako ugwe uli nnini. Ugwe kutendeka ifinyonywo fyako ku iki ugwe kulonda ukubomba, kangi iki ugwe kulonda ukukaba mbumi bwako. Ugwe inogona isya ikyene. Kangi bo ugwe kwino gona, ena, aminogono gako, ikyene kikutwaligwa ku minogono gako ni kindukimo ikisitakumanyigwa iki—iki kikulagila aminogono gako. Kangi polelo akabalilo kako ikyene kikuya mminogono gako, polelo ugwe kukiyoba ikyene, ukuti ugwe kukibombaga ikyene. Kangi polelo ifinyonywo fyako fikukwendesya ugwe ku kyene.

⁴⁶ Polelo, mama na tata, ukugúlila undumiana untubwa uku . . . ifinyonywo fyake ukuya fikulumba; ihela isyakufwana ukufwanikisya ikyene. Kangi polelo, kisita kwilamwa, báliputile ukuti uyu—uyu umwanike unnini ábagíle—ábagíle ukukaba u lusako lula. Umwe muketile, abene—abene bábombíle fyosa ifi abene bábagíle ukubomba. Umwene lumo ali ni falasi inunu, kangi—kangi lumo áli mfumuke fiyo pakati pa bakikulu.

⁴⁷ Kangi iki kikubukaga ku nnyamba, kikuyaga ku nkikulu, ukusanusya-sanusya, muketile, 'nongwa yakuti uswe tukuyoba isya bumi bwa bündu, imyoyo, bosa abanyambala na bakikulu.

⁴⁸ Kangi polelo, ukufuma pa lusako ulu losa lulo undumiana áli nalo, muketile, umwene alinkuya pa “lukindi lupepe,”

uswe tukukikólela ikyene, pa buyo bubo umwene akálonigwaga ukupasya isya findu fingi'mma. Abapāpi báke báli ni hela. Umwene áli nafyo...Umwene áli fiyo...Umwene alinkuya ndagili. Ili Bangeli likuyobelapo ku kyene apa, isya ki... ukuya ndagili unnini, unkadu unnini. Kangi uswe tukuketa i... Pa bwanike, lumu mu fyinja fyake fyabutubwa, itolo á sokile ukufuma ku sukulu, itolo ukufuma pa mfwalu, lumu, imilungu minandi bo gukali, pamo ikindukimo, umwene alinkuya... Umwene yo ndagili, kangi umwene áli nafyo fyosa ifi indumbula yābagile ukunyonywa.

49 Kangi undumiana akáli pūsi ugwamwisyugu'mma. Umwene yo mwanike unnunu. Une ngwitika, akabalilo kako Luka ásimbaga isya ikyene, pamo Mariko, une ngwitika umwene áli, Yeso alinkuketesya umwene nukutuyila'mmwanya, panongwa yakuti Umwene álinganile umwene. Muketile? Kilipo ikindukimo ukufwana nu mwanike uyu. Bwalipo ubundu ubununu bukolekigwe ku mwanike uyu. Ngimba umwene afumilaga kugu? Ukufuma ku ikikolo ikinunu aba balimmanysye umwene ingomelesyo sya Kyala, kangi bāketile ukuti umwene akyungaga isyene. Kangi umwene ābombile ikyene, ukufuma ku bwanike bwake.

50 Kangi u ndumiana uyu áli ni kinyonywo; umwene ālonidaga u Bumi bwa Syepwa. Umwene átile, "Fundi Nnunu, mbombe fiki ukuti ningile ikilingo u Bumu bwa Syepwa?"

51 Muketile, pa fyosa ifi ugwe uli nafyo nkisu, pópe u moyo nkati mmyako gukukubula ugwe kilipo ikindukimo iki ugwe kulondigwa, iki ugwe ukaya nakyo. Itolo ni kyuma...Pamo, ikyene kitikufimbilisigwa ukuya kyuma akabalilo kosa. Ikyene kibagile ukuya, kyabufumuke, u ndindwana yumo ummogi, umwene ali nabo u bumogi ubu umwene abagile ukwinogonela. Lumo umwene yo mfumuke fiyo mu sukulu. Lumo u ndumiana abagile ukwega u ndindwana uyu umwene ikulonda. Umwene ikwinogona ukuti umwene nduko lumo ayengeleligwe. Uko ko kukaya kuyengeleligwa. Ikyo kisakubalanilaga bo bulenge mu ngunda. Muketile? Ubwene bwisakubukaga. Butisakuyaga apa pakabalilo katali. Ukusyungutila kwa lisuba kunandi itolo, uko kukindile, ukufuma apo ugwe uli nu moyo ugu gubagisenie ukuya nu bumi kwa Sepwa.

52 Kangi u mwanike uyu ābagile ukuya nu bundu ubununu, panongwa yakuti umwene alitwele mwene kwa Ntwa Yeso, tumenye ukuti umwene āfugeme pa mafundo gake. Umwene alinkuti, "Fundi Nnunu, mbombe fiki ukuya nu Bumi bwa Syepwa?"

53 Umwene akinkuti, "Ngimba fiki ugwe kungólela Une nnunu," alinkuti, "akabalilo kako ugwe umenye alipo Yume mwene unnunu, kangi uyo yo Kyala?" Muketile? Ngimba u ndumiana uyu afumusyaga fiki mu iki? Ukuti Umwene áli Kyala.

Muketile? Umwene alinkuti, “Ugwe usimenye ingōmelesyo. Kyunga isyene.”

Alinkuti, polelo umwene alinkuti, “Ingōmelesyonki, Fundi?”

⁵⁴ Umwene alinkuti, “Ingōmelesyo isya, ‘yindika u gusu nu nyoko,’ kangi na fyosa.”

⁵⁵ Umwene alinkuti, “Iki une mbombíle, ukufuma ku bwanike bwangu. Muketile, une mbombíle iki.”

⁵⁶ Umwene alinkuti, “Pópe ugwe kulondigwa ikindu kimokyene. Buka, kulisye iki ugwe uli nakyó, kangi kayabānie ku balondo, kangi ngōngésya Une.”

⁵⁷ Lo lusako luki! Yula ābagíle ukuya Peteri, Yakobo, pamo Yohani, yumo mwa bene. Muketile, u mwanike yula āmanyisígwe nukuswílígwa kanunu, nu kutwaligwa kwa Kristi, ukumbombela umwene mmaka gosa aga ali nago mwa umwene, ukbombela imbombo, lumo amanyíle, ntubwa, nkabi, mpilikisigwe, kuko umwene abagisenie ukutwala Inongwainunu, kangi loli alinkukikana Ikyene. Kyo kindu—kyo kindu kyakubopelanki iki kyáli kwa ndumiana yula! Muketile?

⁵⁸ “Ngōngésya Une.” Lilino, muketile, umwene afimbilisigwaga ukunkōngésya umundu yumo. Lilino, umwene afimbilisigwaga pamo ukukōnga ulusongo ulwa bandu aba umwene endaga nabo, ulusongo lwa unkikulu untubwa yumo, ulusongo lumo ulwa kibugutíla kya balumyana aba umwene ikwenda nabo, abinake mu sukulu, pamo ukunkōnga Kristi. Mu bununu bwake bosa, pópe umwene āmenya ukuti umwene akáli nabo u Bumi bwa Syepwa.

Banike, ikyo kyo iki umwe mukufimbilisigwa ukwinogonela. Muketile?

⁵⁹ Lilino ketesya ku ndumiana uyu ikilo iki, iki umwene ābagíle ukuya, kangi iki umwene ali, iki umwene ali ikilo iki. Umwene ali ku buyo bumo. Umwene āli nnyambala. Umwene ali ku buyo bumo. Umwene ikugúlíla u Bulongi. Umwene ikugúlíla ukwagana nu Bulongi pi Siku lila, ukukana u lusako lulalula ulu lukutwaligwa kwa umwe banike, kifuki pasi pa kayilo kalakala; abanike abanunu, u bundu ubununu, aba tata abanunu na ba mama, iki umwe muli nafyo, mutikulondigwa nukubomba imbombo pene pápa umwe mukulonda. Muketile?

⁶⁰ Loli kilipo i kindu kimo i kingi iki kikubuka na ikyo. Kilipo i kindu kimo iki kikubuka na ikyo. I Lisyu lila, ikilo iki, lítikufwāmo siku. Ukwene kukáli kusanania kwa ndumiana unini aligwesa, undindwana aligwesa, “Ngōngesyága Une.” Muketile?

⁶¹ Amasyu gatikufwa’mma. Akabalilo kosa ugwe kuyoba akandu kamo, kumbuka itolo, kali ikyene mo mwigali lyako mbwifise, kali ikyene pa pakigemo, kali ikyene kyo pási pa

nguto ya lukindi nu kibwezi kyako ikinyambala pamo ikibwezi kyako ikikikulu, kulikosa ukwene kuli, ilyene litikufwamo siku. Ilyene—ilyene likufimbilisigwa ukuya nu bumi bwilanabwila.

⁶² Akabalilo kako une ngumbona undindwana yula uyu une . . . ikilo ikingi mu mboniboni, undindwana unnini ummogi, unkina ugwakikikulu ku Hollywood, kangu une nālimbwene umwene ikufwa, ukufikila, ukugela ukubwaga u butuli. Umwene áfwile mu kutikigwa kwa ndumbula, Mama Monroe. Kangi polelo ikyo kisile ukuya ifyinja fibili ifi fikindilepo, kangi une nālimbwene ikufwa. Kangi amasiku mabili ukufuma pala umwene áfwile naloliloli.

⁶³ Polelo, ikilo ikingi, une nāpilike i lisyu lya ndindwana yula. Bulebule? Abana bámbulaga une, “Bába, ugwe buka kula ku Losoko Lusita Kugomokela, akabalilo kosa.” Alinkuti, “Abene bali nu bukino bo ulo, ikilo iki.” Abene bālimbulile une ikilo kimo ikyene kikwandaga, u ndungu pamo mibili nkyeni mwa kabalilo kake. Une ndinkwinogona, “Ena, une ngulonda ukukiketelela ikyo, ’nongwa yakuti une mbukileko ku kisoko kila, kabili pamo katatu kosa; ukufwana kahano kosa, une ngwinogona.” Ena, une—une nalondaga ukiketelela ikyene.

⁶⁴ Kangi u Mama Marilyn Monroe akinile kila panja. Ena, yula āli yo ndindwana uyu une nālimbwéne mu mboniboni. Kangi pala umwene alipo, mu filimu, kangi ubukine, ukukina kulakula kuko umwene ābombile pa *I Kisoko Kya Kusita Kugomokela*, akabalilo kako umwene ālyegile i picha yila, lumo ifyinja kalongo na fihano ifi fikindilepo. Ikyene kyáli picha iyaiyolo, lumo ifyinja malongo mabili ifi fikindilepo. Kangi umwene ayile mfwano ku fyinja fibili. Kangi pala umwene alipo, mumi, ubukine bulibosa kangi i lisyu lililyosa. Muketile? Ikyene kikoligwe fiyo pa tepo ya magnito mpaka ikyene kyumi kangi.

⁶⁵ Pene pápo’mma, loli kilikyosa iki uswe tukuyoba kyumi. Ilisyu lililyosa ili uswe tukuyoba likabagila ukufwa. Ukwisa ukukinda ikipinda galipo a masyu lilino, ububumbigwe bwa bandu. Televizioni yikukola ikyene. Ugwe ubagile ukuyoba papapa apa, kangi abene bikukupilika ugwe ukusyungutila ikisu kyapási, akabalilo kalakala kala. Pópe bo ugwe ukáli ukalipilika ilyene mu kipinda iki, ilyene likubuka ukusyungutila ikisu, ukwisila mu magesi.

⁶⁶ Kangi ikyakuketelela ikikulumba ikya Kyala kikukóla ikyo pala. Kangi ubwendelo bulibosa kangi ubukine bulibosa ubu ugwe kutendeka, ugwe kufimbilisigwa ukwagana ni kyene ku Bulongi. Muketile? Polelo, mwinitu nnini, ikyene kyo kindu kinunu ukwima, ukwinogona isya findu ifi, muketile, ’nongwa yakuti ugwe kwisa kwagana ni kyene kangi. Muketile?

⁶⁷ Unko uswe tundondesye undumiana unnini uyu, u lusako ulu umwene āli nabo, kangi ibika gwimwene mbuyo bwake. Kangi u ndindwana, itolo kifwenefwene bo mumo kiyilile u Becky na

Marilyn, itolo ukuya itolo kifwanefwane ukuya ugwe gwālimile mbuyo bwake, kangi ugwe gwábagile ukupilika i Lisyu lila ili likāli lyumi.

⁶⁸ Ilyene likāli lyumi. Ilyene likāli likwendendeka. Sayansi yikuti, “Mu fyinja malongo mabili ukufuma lilino, abene bisakukolága a Masyu Gake naloliloli ili Umwene áyobile, ifyinja maelifu mabili ifi fikindilepo.” Ilyene likāli lyumi. Bo ka kasangalabwe kakugwa mu nyanja, iliyiga litikufwamo siku. Ilyene likubuka ku kiloboko, maelifu ga mamailosi, kangu ukugomokela kunyuma.

⁶⁹ Akabililo kako i lisyu liyobigwe kamokene itolo mu mbelo bo ulo, ilyene litikufwamo. Kikayapo nakimo iki ugwe ubagile ukuyoba ku Bulongi. Ilyene lili itolo pala. Lisakuyapo i Lisyu lya Yeso Kristi Kristi likundāgila u ndumiana untubwa yula, “Ngōngesyága Une,” kangi umwene ikupīka, pa kyakuketelela, nulusulumanie, panongwa yakuti umwene ali nafyo ifyuma ifikulumba. Muketile? Uswe tubagile ukuti tukaya nukuya’mma. . . Kikabagisania ukuti bwīla siyege hela’mma. Ikyene kibagile ukuya findu fingi. Muketile? Kalikosa aka uswe tukukakolelela kapalapo ukukinda mumo uswe tukubombela ubukolele bula, muketile, ikyene kikwisa ukuya bo hela kwa uswe. Ikyene kikwisa ukuya kindukimo iki kikutubolesya uswe.

⁷⁰ Lilino unko uswe tunkōnge umwene panandi itolo. Ngimba fiki fikuboneka akabalilo kako umwene ikupīka? Umwene akāpilike ku Lisyu lya Kristi. Umwene ābukīle na banine.

⁷¹ Aba, umwe banike, umwe mwe mwesa bana banunu, kangi umwe mukufimfimbilisigwa ukuya nabo abīninu, loli ketesya lo lukonki lwa mwinake ugwe kuya nagwe. Linga u mwinako yula ikukōngésya Kristi, bukaga nu mwinako yula. Kōngésya Kristi, nugwe. Loli linga ikyene kitikubomba, komma ukubomba ikyene.

⁷² Unko uswe tunkete umwene. Uswe tukusyagania, umwene lumo ākyungile abinake. Umwene alinkwisa ukuya ndāgili unkulumba. Umwene āli ndāgile polelo. Pankyenipo, uswe tukummwaga umwene nkabi fiyo mpaka umwene—umwene—umwene afimbilisigwaga ukuyenga indamba isyakōngelelapo ukubikamo ifindu fyako mumo. Kangi polelo umwene āyobile kwa yumwene, bo umwene ali nkusi, kangi imbakikisyo sya bumi ubutubwa ni findu fyakindile, fyosa ifi umwene ābombile, lumo kwāli kusala.

⁷³ Akabalilo kako nnyambala nkangale pamo nkikulu nkangale, bo une, unkasi gwangu, aba mama binu na ba tata, kikayapo kifuki nakimo iki abene bābagile ukwinogonelapo. Abene bakabagila, batikulonda ukusoka panja kangi—kangi ukubopa mwanya-na-pasi mu ngindi, umwe mumenye, ukuya—ukuya binitu abanini babagile, na balindwana abanini.

Ifibyalikano, kangi ywani uyu ikuyaga nkasi gwako pamo ndume gwako, pamo, muketile, abene batikuya nafyo ifyo mminogono gabo. Abene, abene bali na bana, abene bikulonda. Abo bo bikuyaga umwe mwesa, kilabo, linga ukwene aliko kilabo. Muketile?

⁷⁴ Kangi keta u mwinitu, polelo, lumo ni... Lumo umwene akâlyegilêmo nukwegâmo siku. Kangi, loli, umwene âli ndâgili unkulumba. Kangi umwene âlitugesye pa... .

⁷⁵ Kangi mumo icyene kiyilîle mu Yerusalemu, pôpo, na mwisiyugu, abene bikulyela pa mwanya pa nyumba, akabalilo aka akalisiko, akabalilo kako ukwene kutalele, panja mula namayolo.

Kangi uswe tukummwaga u mwinitu uyungi akomîgwe îpicha nagwe umwene: u nsumasuma.

⁷⁶ Kangi u nnyambala, ukufuma ukuya ukuswiligwa uku—uku yindika umpalamani, kangi ukubomba ku bangi mumo ukuya abangi bikubombela kwa ugwe, muketile, panongwa ya kupîka ubukôlele bula ubwa Kristi, kubumalikisyo... Kyabonekaga ukuti, u ndumiana âswiligwe mu nyumba bo yila, ikyo angali kikasokamo siku ukufuma kwa umwene, loli icyene kyâbombile. Ikyene kyâbombile.

⁷⁷ Kangi pala palinkulambalaligwa u nnyambala pa kipata, ni ngamu ya Lazaro, ukunsuma umwene icyakulya, kangi mwaitolo. Umwene afimbilisigwaga ukulya utumbakasya utu umwene âpyagile ukutaga, komma na kôpe kwa nsumasuma, loli ku mbwa. Kangi umwene âliswîle ni filonda. Loli u nnyambala uyu, âpuputîgwe fiyo nkibugutila, polelo, umwene akâli nako nakumo ukwipilika. Umwene alinkwisa ukuya nsitabwipilike, panongwa yakuti umwene âtalîle âkanile ubusakikisyo bwa Kristi.

⁷⁸ Kangi lumo amayolo gamo, akabalilo aka, ikutendeka icyakunwa ni myalwa iminunu, kangi abakikulu abamogi, bafwele ifyakwimogesya, ukunsyungutila umwene, ni findu bo ifyo, na fyosa ifi i ndumbula yâbagîle ukunyonywa, kangi ukunwa. Ugwakusuma alambalele pa kipata.

⁷⁹ Kangi bo kukali ukukya, ulubunju lwa kilabo, umwene âli mu gehena, ukukutîla Lazaro yula ukwisa ukubika a misi pa lulimi lwake. Ukusanuka kwa buyo.

⁸⁰ Kangi umwe ketesya, akabalilo kako umwene ayobege, “Tata Abraham,” lilino, umwene akâli âkumbukilaga ukuti Abraham âli yo tata gwa ba Yuda. Umwene alinkuti, “Tata Abraham, ntuma unsumasuma uyo Lazaro pasi apa nu twisi tunini pa nyobe syake, ukubika pa milomo gyangu. Indapi sikunsukulisya.”

⁸¹ Kangi umwene alinkuti... kangi Abraham alinkuti, “Ikyene kyo, une ngabagîla ukubomba ikyo,” mu masyu mingi fiyo.

“Kangi pa lubafu lya fyosa ifi, ugwe uketile, ugwe nu lusako lwako mbumi.”

⁸² Ngimba akabalilo kaki umwene ali nalo ulwene? Akabalilo kako Yeso äyobile, “Ngöngésya Une.” Loli umwene alinkukipika ikyene. Umwene äbukile injila iyi yäbagile ukutendeka i hela. Kangi ikyo kyo kinunu, kikayapo nakimo ikisobi ukutendeka i hela, loli nkönga Yeso akabalilo kosa ugwe kubomba ikyene. Muketile? Kangi umwene aabukile injila yiyo, ni kilundilo.

⁸³ Kangi ugwe kusyagania, umwene ätile, kagi Abraham ätile, “Kangi pa lubafu bwa fyosa ifi, kilipo ikibwina kibikigwe pakati pa ugwe nu mwene, iki u nnyambala na yumoywene akileniemo siku, kangi atisakukilaniamo siku. Abene aba bali uko bakabagila ukwisa kuno, kangi aba kuno bakabagila ukubuka uko. Ikyene kibikigwe. Akayapo nayumo u nnyambala uyu akilenie pamo isakukilania.”

⁸⁴ Polelo mpilikisya umwene. Umwene ikulonda ukuya mbangeli akabalilo kala. Ubukölele ubu Yeso älimpéle umwene, uku—uku nkönga Umwene, bwáli, kangi ukuya nkaba-myoyo, ukuya ndumiana unnini, kulinkugomokela kwa umwene kangi. Umwene alinkukumbukila ikyene, ukuti umwene äli na bakundwe bahano, kangi kunyuma pa kisu, kangi umwene akäbolondága abene mbuyo bula.

⁸⁵ Umwene alinkuti, “Ntuma Lazaro, ngimba, kunyuma ukwakubasöka abakundwe bangu komma ukwisa injila iyi.” Mu masyu agangi, “Itikisya ubukölele bwa, ‘Ngöngésya Une.’” Muketile?

Loli umwene alinkuti, “Abene, abene batisakikubomba ikyene.”

⁸⁶ Umwene alinkuti, “Ena, linga yumo abagile ukusyuka ku bafwe, bo Lazaro, nukugomokela nubasöka abene.”

⁸⁷ Umwe muketile, ikyene kikunangisya ikyo, ukufuma pápo uswe tukufwa, ugwe ukáli uli maso. Umwene alinkukumbukila. Abraham alinkuti, “Mwanundumiana, kumbukilaga, mmasiku ginu.” Muketile? Ugwe kuya ukáli kukumbukila. Ugwe utikutaga ulukumbusyo lwako mma. Ugwe kukumbukila.

⁸⁸ Kangi ingumbusyo isi u mundu abägile ukuya nasyo, kangi mbuyo bulabula bula, alinkukumbukila u lusako äli nalo ulwakumpilika Yeso ikuti, “Ngöngésya Une.” Loli umwene aköngesísye u mundu unsobi, ikilundilo ikisobi. Umwene alinkwisa ukuya mu kilundilo ikisobi, kangi umwene äbukaga ku buyo ubusobi, ukumalikisya kwa Syepwa unsobi; ukuyongesigwa ili Siku lila, ukufuma kwa Kyala bwinanabwila.

⁸⁹ Yeso yope äyobile i lisyu ilyakutika ilikulumba, “Palema nalinga yumo asyukege ukufuma ku bafwe nu kubuka ukugomokela, pópe abene batisakupepekigwa. Panongwa yakuti, abene bali nalo u lulagilo lwa Mose, kangi linga

abene batisakupilika ulo, polelo abene batisakupilika palema nalinga yumo ikususigwaga ukufuma ku bafwe. Abene batisakupepekigwaga'mma.”

⁹⁰ Fiki? Fiki? Ngimba u lulagilo lwāyobīle ikindukimo bo ikyo? Ena. “Bomba ku yungi mumo ugwe ubagile ukuya na bene bikubomba kwa ugwe.” Kangi umwene ālitugesye pasi pa lulagilo. Loli umwene alinkundeka unsumasuma yula ukufwa pa kipata. Muketile? Umwene āli—umwene āli tugesye pási pa ngōmelesyo sya Kyala, kangi pópe ukutōligwa ukububona u Bumi bwa Syepwa ubukulumba bula.

⁹¹ Banike, umwe, aligwesa gwa umwe, mukufwana bo bangu. Umwe, aligwesa gwa umwe, mukufwana itolo bo banabalumiana na banabalindwana bangu. Mu njila yimo, umwe muli, muketile, ukuyoba mwambepo. Uko ko kutalusya. U Ntwa Kyala a—a bīkile i myoyo gyinu mbupakikisyo bwa une, panongwa yakuti umwe mukwisa, ukumbilika une. Umwe mukwitika une. Muketile? Kangi mu kupilikisya kumo kwa lisyu, umwe mwe banabalumiana na banabalindwana bangu. Uko ko kutalusya.

⁹² Kumbukilaga bwila, ukukyunga i ngōmelesyo sya Kyala kyo kindu ikikulumba. Ukuswilgwa mu nyumba ingulumba kyo kilingo ukufumila kwa Kyala. Kangi ukuya banike banunu nu bundu mumo umwe mulibo, kinunu. Kyakwikyela, ukuya nu bumanyi. Ikyene kyakwikyela nukwitugasya mópe nkisu kyabwabuke. Uswe tulinafyo i findu fingi ifyakuya bagwalupi.

⁹³ Loli kilipo ikindu kimokyene iki ugwe utikwingila ikilingo itolo. Ugwe kufimbilisigwa ukwitikisya Ikyene. Ubo bu Bumi bwa Syepwa. Kangi ugwe kwisa kubombaga ikyo mukwisila ukunkōnga Yeso, ukwisila mbwendelemo bwa kupāpīgwa-kangi. Komma ukukipika ikyo.

⁹⁴ Akapango kanini akabalilo kamo une mbilike, isya u nnyambala uyu āli, o, umwene āli ndōndo. kangi umwene—umwene bwila alondaga uku... Akene kapango kanini kaminogonelo, ukufwana. Akene bwila kasyele na une, palemo. Kangi ilisiku limo umwene āsalife ililenge. Kangi ililenge lila lyāli manjele, ililenge lilinkummwamula umwene, nukuti, “Ugwe gwāli ndōndo u bumi bwako bosa.” Umwene alinkuti, “Lilino suma iki ugwe gwiganile, kangi ikyene kisakupīgwaga kwa ugwe.”

⁹⁵ Umwene alinkuti, “Ikyamba ikyāpabutali kila kikwigukaga, kangi une mbagile ukwingila mulamula nukummwaga golidi nkyamba kila.”

⁹⁶ “Ena,” umwene alinkuti, “ugwe kwisa kufimbilisigwaga ukunyēga une kulikosa kuko ugwe kubuka. Muketile? Ugwe kwisakufimbilisigwaga ukunyēga une na ugwe. Polelo, kulikosa kúko une ndiko, polelo ugwe ubagile ukusuma iki ugwe kulonda.”

⁹⁷ Umwene alinkwenda ukubuka ku kyamba, kangi ikyamba kilikwiguka, kangi umwene alinkwingila mula. I mesa syâliswile na golidi na mabwe-amapala, mumo akapango akanini akakwata aka kakubukila. Umwene alinkulambalika ililenge pási pa—pa kigemo, pamo, ilyalabwe. Kangi umwene alinkubopa nukupimba ibwe-ilipala ilinywamu ilikulumba, kangi umwene alinkuti, “Une ngufimbilisigwaga ukubuka ukubanangisya abinangu. Kangi lilino une ndi nnyambala nkabi. Une ndinafyo filisyosa lilino. Une ngufimbilisigwa ukubanangisya iki.”

⁹⁸ Kangi polelo ililenge lilinkuyoba, “Loli,” lilinkuti, “ugwe gwibwibwe ikindi ikinywamu fiyo.”

⁹⁹ Polelo umwene ikubopa ukugomokela nukupimba, nukuti, “Ena, lumo une ngwisa—une ngwisakwegaga akasangalabwe ka golidi. Une ngwegaga akasangalabwe ka siliva.” Kangi polelo umwene alinkuti, “Une—une nguyaga mwengo panja, ukwakubabula abandu mumo une njilile nkabi, kangi fyosa ifi une mfyagile.”

¹⁰⁰ Kangi umwene alinkufika ku kifigo, kangi ililenge lilinkuyoba, “Loli ugwe gwibwibwe ikindu ikinywamu fiyo.”

¹⁰¹ Polelo umwene ikubopa ukugomokela. Umwene alinkuti, “Nkati muno uswe tukufyaga u luko lwa tundu tosa.” Polelo, umwene alinkupimba ibwe. Umwene alinkuti, “Une ngubukaga, ngwegaga ibwe ili nukubanangisya abandu u lukonki lwa libwe i kyamba iki kībumbigwe ukufuma, polelo une mbagile ukuyaga injila yangu ukugomokela ku kyene.” Muketile?

¹⁰² Kangi umwene âlyandileko ukubuka ku kifigo, kangi ililenge lilinkuti, ku...ku kabalilo káke akabumalikisyo, “Ugwe gwibwibwe ikindu ikinywamu fiyo.”

“O,” umwene alinkuti, “o, kiba.”

¹⁰³ Muketile, umwene akâlondága ukupilika ku lyene kangi'mma, “Gwibwibwe ikindu ikinywamu fiyo,” kangi umwene alinkubopela panja pa kifigo. Kangi akabalilo kako umwene âbombile kila, i kifigo kyaligaligwe ku nyuma ya umwene, ni liléngé nkati. Ikindu ikinywamu lyáli liléngé. Muketile? Ikindu ikinywamu kyáli liléngé.

¹⁰⁴ Ifyinja fingi ifi fikindilepo, ukuya mwanike, mumo mwesa muyilile, apa, nkibaga kya ng'ombe pamwanya pa apa, pamwanya pa Phoenix. Une nābalaga akasimbe, isya kulonda-mabwe, i kalatasi ukufwana nu ndonda-mabwe. Polelo, gikalipo imisebwe ukukilania apa akabalilo kala, itolo utuyila twa misánga. Abene bakāli bikubomba u kulonda-mabwe kwingi kuno, umwe mumenye.

¹⁰⁵ Loli u ndonda-mabwe uyu alīngile muno, kangi umwene āli ni hela nyingi fiyo, kangi umwene ātikile u golidi mwingi fiyo. Kangi pa nsebwe gwake ukwingila, umwene agōnile nkitembe iki umwene ākyagile. Kangi umwene āli ni mbwa nu mwene,

kangi, i—i mbwa, yapinyiligwe panja. Kangi ikilo kila, ālipo unhiyi uyu andōndesyāga umwene, ukuti anyake u golidi. Umwene āmmwagīle umwene ukufuma ku mibwina imikulu igya kiSpanishi, kangi umwene ingilaga nu ni kyene. Kangi i mbwa yilinkwanda ukukema.

¹⁰⁶ Kangi u nnyambala yula akālonidaga ukusumusigwa ni bwa yila. Umwene alinkuti, “Kiba.” Umwene alinkuti, “Kilabo, une ngukyegaga iki mula, ntu—ntwāya.” Kangi une ngu... Isyakumanyilapo isya kapango kyāli iki. “Kangi une nguya pakuya nakyo ikyene kipimīgwe, kangi une ngwisa kuyaga mundu nkabi. Kangi une ngwisa kūla amagali amakulumba. Kangi une ngwisakuya nu luko losa ulwa bakikulu nu sekelo nyingi. Kangi une nguyaga nnyambala nkabi, panongwa yakuti une nkitikile ukuya-kyangu. Une ndinagwe u golidi apa, mwingi gwa umwene.” Kangi alinkuti, “Une ngwisaku- . . .”

¹⁰⁷ Kangi akabalilo kosa umwene āgelāga ukugon’utulo, i mbwa yilinkumilisya ukukema, panongwa yakuti i mbwa yālimbwēne unhiyi ikwisa, ukunyātuka, ikugūlila ukuti u ndonda-mabwe yula ugon’utulo.

¹⁰⁸ Umwene alinkusumuka kangi, nukuyilaltila imbwa yila kangi, alinkuti, “Kiba.” Kangi i mbwa imbelakisa yila yilinkwilumbusya nukugela ukunsoka u fundi gwake ukuti ububibi bwalibwālele—bwalibwālele. Kangi akabalilo kako umwene. . .

¹⁰⁹ Akabalilo akakōnge, akabalilo kako i mbwa yālyandile ukukema, u ndonda-mabwe āli ni ndusu. Umwene akālonidaga ukufubanisigwa, polelo umwene alinkusumuka nukutusulila i mbwa yila. Kangi u ndonda-mabwe āgogigwe ikilo kila, nu nhiyi yula. Syosa isya njosi syake isyakwinogonela sikālimbombile umwene ikinunu nakimo. Fiki? Umwene ākibisye i lisyu ili lyansokaga umwene.

¹¹⁰ Akayapo nayumo uyu abāgīle ukugela ukubomba kalikosa, umwe banike, mukabagila ukuya babagisanie ukubomba kalikosa akasobi, ukufuma ukuya baswiligwe nu njila iyi umwe muswiligwe, pene pāpo umwe mubagile ukwīpilika ikindikimo kikukubula ugwe ukuti ungabomba ikyene. Lilino, komma ukukibisya i lisyu ili likukusoka ugwe.

¹¹¹ Kangi akabalilo kosa kumbukilaga, itikisya i Lisyu lila ili lyāyobīle, “Ngōngesyāga Une,” kangi umwe mwisakuyaga batalusye akabalilo kalikosa. Une ngusubila umwe mukobombaga. Une ndi nu lusubilo mwa umwe. Loli itolo bwila kumbukilaga ukuti Yeso, i Lisyu lila, lili nu bumi nkisu ikilo iki.

¹¹² Itolo lilalila, mumo i lipilikigwe lililyosa kangi i lisyu lililyosa ili uswe tuyobile likāli lyumi, akabalilo kako ilipilikigwe lila likubuka panja mu liyiga lya ether mu mbepo. I. . . Muketile, ugwe uli nayo ikyakutumila apa iki kikutuma

ilyene panja. Ugwe gwe kyakutumila iki kikutuma ilyene panja. Lilino ikylene kikwegela i stesyoni ukwambilila ilyene.

113 Kangi Yeso áli Ntumi kya Lisyu Iya Kyala, kabuno Umwene áli yo—yo bumubwene-butatu ubwa Kyala ināngisyē mu Nnyambala yumoywene. Umwene áli Kyala ummalisye kangi Mundu ummalisye.

114 Kangi ubutatu bwa Kyala, ubutatu bwa fyakumbagilila ifya Kyala, ukuya Tata, Mwanundumiana, kangi Mbepo Mwikemo, kwalimililigwe mu Nnyambala yumoywene yula, Yeso Kristi. Polelo, pala, Umwene áli Lisyu.

115 Kangi Umwene áli yo Ntumi uyu āyobíle, “Yuyo uyu ikupilika a Masyu Gangu, kangi ikwitika pa Umwene uyu alindumile Une, ali nu Bumi bwa Syepwa.” Muketile? “Naloliloli une nguyoba kwa umwe, umwene uyu ikupilika a Masyu Gangu, kangi ikwitika pa Umwene uyu ālindumile Une, ali nu Bumi bwa Syepwa.” Lilino, i Lisyu lila lisōkile panja ukufuma ku Ntumi. Umwene alinuti, ilisiku limo, “Naloliloli une nguyoba kwa ugwe, linga ugwe kuyoba ku kyamba iki, ‘Epukaga,’ kangi utikwilamwa mu ndumbula yako, loli kwitika ukuti iki ugwe uyobile kisa kubombigwaga, ugwe ubagile ukuya nakyo iki ugwe uyobile.”

116 Lilino, linga ugwe ubagile itolo ukuya stesyoni ukwambilila Kila, ni kyakulongolela nkati mwa ugwe, nu lwitiko, ikylene kisakukusamisyaga ugwe mulamula mu busyungutila bwa Kyala, ku Bupapigwe ubupya, kangi ukuya mpapigwe kangi. Polelo ugwe kwisakuyaga mbukole bwila, ukupilika i Lisyu lila ili lisakukusokaga ugwe akabalilo kako ububibi buli mu njila. Akabalilo kako ifindu fikuya fisobi, fikubuka kubusobi, Ilyene akabalilo kosa lisakuyaga kusoka kwa ugwe. Kangi polelo, mbuyo bwakuti ilisiku limo ukuya bo ndumiana untubwa unkabi yula uyu uswe tukuyobapo isya umwene; yaga nnyambala bo mpostoli Peteri, Pauli, pamo umundu yumo uyu alinkabile imyoyo u Yeso Kristi. Umwe mubombe ikyo, banike.

Ngimba uswe tubagile ukusuma?

117 Ntwa Yeso! Ubutubwa, abanyambala na bakikulu ba kilabo, linga u kilabo aliko. Uswe tukufimbilisigwa ukubamanyisya abene, Ntwa. Uswe tukwipilika unsigo gula, ukubamanyisya abene ukufwana ukuti kula ikuyangako u kilabo. Linga kikayapo, polelo umwisyugu Iyo lisiku.

118 Kangi polelo, Tata, uswe tumenye ukuti akayako nayumo uyu ikwitikisigwa pamaso Pako. Umbili nagumo gubagile ukwiyimika. Ubumanyi nabumo, palema nalinga mumo fiyilile ubununu ifindu ifi, imbombo inunu nasimo, ifibugutila ifyiputiputi fikayako, ububala-minogona nabumo, nakimo kibagile ukusisimikisya Kyala loli yu Mbepo Mwikemo. Umwene yo Kibombelo, Kyala Mwene, mbubumbe bwa

Bumi bwa Syepwa, ubu bubagile ukukwisa kwa uswe ukuya pamwenepamwene. Kangi uswe tukupalisa panongwa ya iki.

¹¹⁹ Nubwanaloli kiyobigwe akabalilo kako Peteri atendike ulwilate lula. Yeso alinkuyoba ku myake, “U mbili ni lilopa fikasetula iki kwa ugwe. Ugwe ukamanyilamo siku iki mu sukulu ya bunyakyala. Ugwe ukumanyilamo siku ikyene mu sukulu yimo.” Ikyene kyo kindu kwa pamwenepamwene, ikindu kimo iki u mundu pa mwene ikufimbilisigwa ukwambilila. Ugwe gwāyobile, “Pa lyalabwe ili Une nisakuyengaga i Kipanga Kyangu, kangi ifipata fya ku gehena fitisakuya kibagisenie'mma ukukinjola ikyene.” Uswe tukupalisa panongwa ya kila, Ntwa.

¹²⁰ I Lisyu lila likali lyumi ikilo iki. Kangi pala amayengo, mayengo ga panja, amayengo gakupilikisa, ama sitesyoni gawkambilila, aga lwitiko, aga gabagile ukwitikisa Ilyene. Uswe tukusuma ukuti yumo na gwesa gwa bana aba bisakwambililaga Ikyo, Ntwa, mu ndumbula syabo. Kangi kumbukilaga ukuti, komma iki abene bikubomba ukuya nnu, loli abene. . . Kyala atikutulonga uswe ukwisila iki uswe tukubomba, loli iki uswe twitikisye. Uswe tupokigwe nu lwitiko, kangi komma mu mbombo syitu. Polelo uswe tukusuma, Tata Gwakumwanya, ukuti abene bisakukolaga imboniboni lilino, kangu ukuketa nu kupilika ukuti ubukolele ubwa Syepwa ubukulumba, ubwa, “Isaga, ngōngesyaga Une.”

¹²¹ Yumo na gwesa gwa bene, Ntwa, alisanukaga ukufuma ku kosa ku findu fya kisu, ubumi ubu ubwakufwa, ubwakubumalikisyo. Mumo abene bali apa ikilo iki, kangi inywili syabo isya golidi, inyelu, kangi bamo mwa bene ni nywili syabo inditu, kangi amaso amatitu, kangi amaso ga bulu, kangi bitugesye mu finunu ifya fyabo ifya ifi abene bisakuyaga.

¹²² Kangi ukuya nsimbi nkulumba ayobile, “Kumbukilaga u Mpeli gwako mmasiku gako ga butubwa, akabalilo kosa amasiku amabibi gatikwisa kifuki. Polelo ugwe utisakuya nako ukwikyela mu gene.” Mumo, Ntwa Yeso, Ugwe gwāyobile kwa Peteri, “Akabalilo kako ugwe gwali nnini, ugwe gwāsumwike nukubuka kuko ugwe gwalondaga ukubuka. Loli akabalilo kako ugwe uli nkangale, u mundu yumo ikukupimba ugwe kuko ugwe ukābagile ukubukako.” Bitikisa abene bakumbukilege, “Lilino lyo lisiku. Aka ko kabalilo.” Tupaga ikyene, Tata.

¹²³ Une ngukaba aligwesa gwa abene, ukuya mwanangu, apa ikilo iki, ku mwanike aligwesa apa. Une ngwipilika ukuti Ugwe ubikile mmaboko gangu, ukubaketesya abene. Une ngubakaba abene bosa, ukufuma kwa Sétano kangi ukufuma ku bufwe, ukubuka ku Bumi mwa Yeso Kristi. Ameni.

¹²⁴ Akusaya umwe, banike. Naloliloli kinunu ukuyoba amasyu manandi kwa umwe. Kangi une ngwisakugomokela mu njila, Billy. Abanike abanunu, ngupalisa umwe. Nkundwe Fred, u Ntwa akusaye ugwe. U Ntwa akusaye, kalumba.



ISAGA, NGÖNGESYÁGA UNE KYA63-0601

(Come, Follow Me)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kyobeluka namayolo, Juni 1, 1963, ku Lukomana Lwa Kunyumba mu Tucson, Arizona, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org